



UN ERA NOBO DEN TRAINING NA ARUBA



E nivel di training pa Managers na Aruba recientemente a haya un empuhe cu introducion di “Signaleren van Psychische klachten op de werkvloer” presenta pa Psychological Services Wever. E training a tuma lugar 6 dialuna tras di otro cu participation di managernan cu ta traha na companianan bon conoci den nos comunidad. E training a wordo duna dor di e psicologo Drs. Lilah Maduro-Wever.

Drs. Maduro-Wever ta un arubiano cu e anja aki a cuminsa su propio practica di psicologo, despues di a caba su studio na Hulanda y a traha tanto na Hulanda como na Aruba. Cu su experiencia facilmente e por no solamente duna e curso na Papiamento pero tambe referi na ehempelnan real cu ta biba y reina den nos comunidad. Esaki ta hopi importante pasobra e cursistanan mesora ta sinti nan mes involvi y interesa.



E curso tabata hopi amplio, enfocando riba con enfrenta varios problema cu un manager por hanja su mes aden na trabow. Por ehempel con pa deal cu problemanan di adiccion, trauma, problema familiar, depression, etc. Despues di e training aki, e participantenan ta hopi mas prepara pa situacionan dificil cu por presenta na trabow. Hopi di e topiconan discuti den e training ta dificil pa enfrenta, pero dor di compronde e manera correcto pa atende e problemanan, ta haci un manager hopi mas capaz y sigur den su funcion. Awor cada manager den e grupo aki tin e estructura pa por señala un problema na trabow, y tambe con pa actua den tal situacion.



Un manera hopi obhetivo pa midi exito di un curso ta pa check cuanto hende ta cay afor (stop di bin) na caminda. Durante e curso aki no tabata ningun hende cu a stop di bin e training durante e 6 simannan cual ta algo hopi positivo. E ta muestra tambe cu dor cu e training ta hinca den otro den un forma hopi dinamico, ela logra capta interes y duna motivacion na e cursistanan. E participantenan a keda hopi contento di por a participa na un training innovativo pa Aruba y sigur riba un nivel asina halto.


Na Augustus lo tin e mesun curso aki atrobe pa esnan cu pa un motibo of otro no por a participa. Pa mas informacion por tuma contacto cu Psychological Services Wever na 583-7722, of via email na info@pswever.com.



Participantenan (& compania):

- Norma Brinkenberg (Colombian Emeralds Int.)
- Angelique Croes-Muller (Radisson)
- Josette Daal (S.K.O.A.)
- Sonia Damian (Setar)
- Mario Dirksz (Romar Trading)
- Martina Grant-Koolman (Office Systems Aruba)
- Alwin Laclé (Romar Trading)
- Norma Le Grand (S.K.O.A.)
- Shaline Leon (Manchebo Beach Resort)
- Julissa Rojer (Marriott Aruba Surf Club)
- Lucia Tromp (Setar)

--June 21, 2006--



- -Press Release- -Press Release- -Press Release- -Press Release- -Press Release- -